



Errenteriako Udala Trafiko eta Garraio Departamentua

Iragarkia

2011ko otsailaren 25ean Udalbatzak egindako ohiko osoko bilkuran alegazioak ebatzi eta erabaki zuen Salmenta Ibiltari Ordenantzari behin betiko onarpena ematea.

Hori horrela Toki Erregimeneko Oinarriak Arautzen dituen apirilaren 2ko 7/85 Legearen 70-2 artikuluan aurreikusitakoa betetzearren, onartutako Salmenta Ibiltaria Arautzen duen Ordenantza horren testu oso-oso argitaratzen da eta argitaratzen denetik 15 lanegunera sartuko dela indarrean adierazten da.

Eta orohar guztiek jakin dezaten eta eraginak izan ditzan argitaratzen dut. Era berean, jakinarazten da egintza honek administrazioaren bidea agortzen duela eta horren kontra administrazioarekiko auzi-errekurtsoa aurkeztu ahal izango dela bi hilabeteko epean, iragarki hau Gipuzkoako Aldizkari Ofizialean argitaratu eta biharamunetik zenbatzen hasita. Halaber, egoki irizten diozun beste edozein errekurtso aurkeztu ahal izango duzu.

Hau da onartu den Ordenantzaren testua:

SALMENTA IBILTARIA ARAUTZEKO ORDENANTZA

SARRERA

Azken urte hauetan gure herrian salmenta ibiltaria ohikoa bihurtu da, eta beraz, merkataritza-jarduera guztiek bezala, inplikaturako kolektiboek egiten dituzten eskariei eta gaiaren inguruko lege berriek diotenari egokitu behar zaio.

Udalari dagokio merkataritza-jarduera mota honek eragiten dituen sentsibilitate ezberdinak kontuan hartuko dituen legezko baliabide bat bideratzea; dendariak, saltzaile ibiltariak eta kontsumitzaile eta erabiltzaileak.

Aplikagarria den legedirari dagokionez, kontuan hartu dira autonomiako legedia, alde batetik, hau da, maiatzaren 27ko 7/1994 Legea, Euskal Herriko Merkataritza Jardueraren Legea, eta, beste alde batetik, arestian indarrean sartu den otsailaren 26ko 199/2010 Errege Dekretua, salmenta ibiltaria edo ez sedentarioa arautzen duena. Lege hori, aldi berean, urtarrilaren 15eko 7/1996 Txikizkako Merkataritza Arautzeko Legearen III Tituluaren IV atala arautzen du. Azken lege hori martxoaren 1eko 1/2010 Legeak aldatu du, hain zuzen ere, eman baita Europako Parlamentuaren eta Kontseiluaren abenduaren 12ko 2006/123/CE Zuzentaraua, barne merkatuko zerbitzuei buruzkoa, egokitzeko.

Xede horrekin egin da Ordenantza hau, betiere indarrean dagoen araudia betetzeko, lehiakortasun librearen barruan eta kontsumitzaile eta erabiltzaileen eskubideak errespetatzeko.



I TITULUA

«XEDE ETA APLIKAZIO EREMUA»

1. artikulua. Xedea

Ordenantza honek Errenteriako udalerrian salmenta ibiltaria arautzea du xedetzat

Salmenta ibiltaritzat jotzen da: dendatik kanpo, jarri eta kendu egiten diren postu edo instalazio eta ibilgailuetan ohiko edo noiz behinkako saltzaileek egiten dutena

Debekaturik geratzen da udalerrri osoan Ordenantza honetan aurreikusirik ez dagoen salmenta ibiltari oro egitea.

II TITULUA

«SALMENTA IBILTARI MOTAK»

2. artikulua. Salmenta ibiltari motak

Ordenantza honen mende ondorengo salmenta ibiltari motak egin ahal izango dira:

a) Toki jakinetan eta aldizkatasun finkoarekin egiten diren ohiko merkatuak edo berriak.

b) Jaietan edo herri mailan egiten diren ekintza herrikoi edo bestelako jairen batean, udan edo neguan, edo kirol, kultur edo jolas jarduera dela-eta, tarteka-marteka jartzen diren merkatuak. Modalitate honen barruan sartzen dira artisautza-azokak, ezohiko izaera dutenak. Eta Alkatetza edo horrek delegatutako organoaren erabaki bidez esango da non ipini, zenbat egunez edo zenbat saltoki jarriko diren.

c) Kamioi-dendadunetan egiten den salmenta. Horretarako, garraioaren eta baimendutako gauzak saltzeko araudiaren arabera egokitutako ibilgailua erabiliko da.

III TITULUA

«XEDAPEN KOMUNAK»

I. KAPITULUA. SALMENTA IBILTARIETAN SAL LITEZKEEN GAUZEI BURUZKOA

3. artikulua. Sal litezkeen gauzak.

1. Baimena eman ahal izango da eskumena duten agintarien ustetan osasunarentzat arriskurik ez duten gauzak saltzeko.

2. Baimena dutenek zuzen adierazi beharko dute saltzen dituzten gauzek erregelamendu tekniko-sanitarioak eta gainontzeko araudiak betetzen dituztela.

II. KAPITULUA. SALMENTA IBILTARIA EGITEARI BURUZKOA

4. artikulua. Salmenta ibiltarian aritzeko bete beharreko baldintzak

Errenterian salmenta ibiltaria egin ahal izateko zera eskatuko da:



1. Jarduera Ekonomikoen gaineko Zergari dagozkion epigrafeetan alta emanda egotea, alegia, indarrean dagoen araudian horrela eskatzen denetan eta atal honetan zorrik ez edukitzea.
2. Gizarte Segurantzaren alta emanda egotea eta kuotak ordainduta izatea. Pertsona juridikoen kasuan, Gizarte Segurantzaren enpresa gisa izena emanda egotea, langileak deklaratuak eta kuotak ordainduak.
3. Bete beharko dira higiene-osasunari buruzko baldintzak edo produktuak merkaturatzeko eta instalakuntzei buruz erregelamendu zehatzek jartzen dituzten bestelakoak.
4. Udalaren baimena eduki beharko da.
5. Ordaintzea, ordaindu beharreko tasak.

III. KAPITULUA. ESKAEREI BURUZKOA

5. artikulua. Alkateari zuzendutako eskaria..

Saltoki batean saldu nahi dutenek, Udalbatzako alkateari egingo diete eskaera, eta bertan zera jarri beharko dute:

- a) Eskaera egilearen izena eta deiturak, edo sozietate-izena, hala badagokio.
- b) Pertsona fisiko edo juridikoaren Identifikazio Fiskalerako Zenbakia (IFZ).
- c) Helbidea.
- d) Instalazio eta salmentako artikuluen deskribapena.
- e) Pertsona juridikoak direnean, gainera zera adieraziko dute: saltzeko baimena duenaren kontura jardungo duen langile edo bazkidearen izena, helbidea eta NAN.
- f) Tokia, eguna eta ordutegia, edo, hala badagokio, baimena eskatu duen merkatuaren aldizkatasuna eta kokapen finkoa.
- g) Okupatuko dituen metro kopurua, edota produktuak saltzeko furgoneta edo kamioi egokituren bat erabiltzea derrigorrezkoa den.
- h) Eskaria baloratu ahal izateko merezimenduak eta gainerako datu baloragarriak.

6. artikulua. Eskaerak aurkeztea.

1. Eskaera aurkezteak interesatuei eskatuko die, bakar-bakarrik, ardura aitortzea sinatzea. Bertan, gutxienez, ondorengoak adieraziko dira:
 - a) Ezarritako baldintzak betetzen dituela.
 - b) Jardueraren hasieran hori egiaztatzen duen dokumentazioa edukitzea.
 - c) Lizentzia indarrean dagoen epean baldintzak betetzen direla bermatzea.
2. Horretaz gain, ardura aitortzen ondorengo alderdiak ere jasoko ditu:
 - a) Ekonomia Jardueren gaineko Zergaren bidezko epigrafean alta emanda egotea eta tarifaren ordainketan egunean egotea, edo salbuetsia egonez gero, zergak ordaindu beharrekoen erroldan alta emanda egotea.
 - b) Gizarte Segurantzaren kotizazioen ordainketan egunean egotea.
 - c) Hirugarren herrialde batzuetako prestatzaileek egiaztatu beharko dute indarrean dagoen legedian ezarritako betebeharrak betetzen dituztela, bizileku zein lan baimenei dagokienez.



d) Salmenta ibiltarian edo ez sedentarioan salduko diren produktua edo produktuak arautzen dituen araudiak ezarritako baldintzak betetzea.

3. Inolaz ere prozedurak ezin izango du eskatu parte hartzeko ezinbesteko baldintza izatea herrialdean bizi izatea.

4. Jarduera ekonomikoen gaineko zergan alta emanda egotea eta ordainketak eguneratuak izatea, edo, hala badagokio, zergak ordaindu beharrekoen erroldan egotea, egiaztatu beharko da, interesaturen esku utzita berak zuzenean eginda edo Administrazioari baimena emanda berak egiaztatu dezan.

5. Aurreko atalean jasotakoa gorabehera, ezin izango da eskatu ardura aitopenean jasotako beste hainbat baldintza betetzen direla egiaztatzen duen dokumentazioa, Administrazio Publikoek horiek egiaztatzen dituzten eskumenen kalterik gabe.

IV. KAPITULUA. ESKAERAK ONARTZEARI BURUZKOA

7. artikulua. Eskaera hobetzeko eta zuzentzeko modua.

Eskaerak ez balitu beteko aurreko artikulua adierazitakoak, orduan interesatuari aukera emango zaio hamar eguneko epean akatsa zuzen dezan edo derrigorrezko agiriak ekar ditzan. Ez balu horrela egingo, Udalari eginiko eskaerari dagokionez, atzera egin duela ulertuko dela adieraziko zaio.

8. artikulua .Erabakia. Janari eta produktu herbodietetikoak saltzeko baldintzak betetzea

Udaletxean eskaera eta beharrezko agiriak jaso ondoren, udalaren eskumendun organoak ekarritako agiriak aztertuko ditu, eta txostenak baldin badaude, eta ondoren, baiezkoa edo ezezkoa emango du.

Horretaz gain, janari eta produktu herbodietetikoak saltzeko baimenaren titularrak osasunaren alorreko araudiak ezarritako baldintzak bete beharko ditu.

V. KAPITULUA.SALMENTA IBILTARIRAKO UDAL BAIMENA

9. artikulua.Baimenaren edukia.

Udal baimenak espresuki adierazi beharko du:

a) Lizentziadunaren identifikazioa eta bere izenean jarduteko baimendutako pertsona edo pertsona.

Pertsonak gizakiak direnean, aurreko paragrafoaren ondorioetarako, baimendu ahal izango dira: titularraren langileak, ezkontidea eta seme-alabak baldin eta Gizarte Segurantzaren alta emanda baditu.

Pertsona juridikoen kasuan, berriz, artikulua honen 1. paragrafoaren ondorioetarako, Gizarte Segurantzaren alta emandako bazkideak eta langileak baimendu ahal izango dira.

b) Epe eta kokapen jakineko merkatuan saltoki-zenbakia, edo hala badagokio, jarduera burutu daitekeen tokia edo tokiak.

c)Baimendutako produktuak.

d)Jarduera burutzeko egunak eta orduak.

e)Okupatu beharreko lurzorua.

f) Instalazioa nolakoa den

g) Baimenaren indarraldia.

10. artikulua. Nortasun txartela.

Baimendutako saltzaile guztiei nortasun txartela emango zaie, eta bertan zera jarriko du:

a) Saltzailearen identifikazioa, titularra edo baimendutako pertsona izan. Txartel motako argazkia



aurkeztuko da. Argazki hori Udaletxean aurkeztu beharko du behin baimena ematen zaionean.

b) Saltzeko baimenaren balio-epea.

c) Baimendutako produktuak.

d) Saltoki-zenbakia, epe eta kokapen finkoko merkatuetan, eta jarduera burutzeko baimendutako tokia edo tokiak, egunak eta ordutegiak.

e) Postua jartzeko baimendutako metro kopurua.

f) Jarduera gauzatzen duen bitartean erreklamaziorik aurkeztuz gero, horiek bideratu ahal izateko helbide bat.

Identifikazio-mota hau udal agintariei erakutsiko zaie, hauek eskatzen duten aldiro.

Era berean, saltokietako titularrek udalaren baimena ageriko toki batean jarriko dute. Betekizun hau bete gabe utziz gero, eta baimenean adierazi gabeko produktuak salduz gero, saltokiari kautelazko erretiratzea aplikatuko zaio, hori guztia zigor espedientea hasteko eragozpenik gabe.

11. artikulua. Segurtasun, egonkortasun eta sendotasun baldintzak

- Egiturazko elementu guztiak (oinarriak, zutabeak, estalkia eta abar) normalizatuak edo helburu horretarako prestatutakoak izango dira. Ez dira inprobisatutako elementuak izango.

- loturak eta finkatzeak elementu sinpleen bidez egingo dira (mihiztadurak, ziriak, bridak eta abar erabilita). Saihestu egingo da bermerik ematen ez duten loturak egitea (sokak, alanbreak eta abar).

- Ez da lurzoruan modu finkoan lotzeko sistemarik erabiliko. Horren orde bestelako eusteko elementuak erabiliko dira, zapatak edo egurrezko takoak esaterako, ertzik ez duten edo bisitari edo oinezkoiei arriskurik sortzen ez dieten elementuak

Obretako aldami, edo antzeko muntaiaren bidez egindako muntaia inprobisaturik ez da onartuko,

Estaldurak sendoak izango dira (gorputz bakarra osatuko dute) egituraren gainerakoarekin. Olana materiala bezalako gaineko itxiera izanez gero, tenkatua egon beharko du ur-putzuak izatea saihestu dadin.

Egitura guztiek Udalak horretarako izendatu duen Udal teknikari eskudundunaren oniritzia izan beharko dute

12. artikulua. Baimenak baliogabetzea

Udalak baimenak aldebakarrez baliogabetu ahal izango ditu, eragin zuten zirkunstantziak desagertzea komeni dela jotzen denean, hain zuzen ere Ordenantza hau edo gainerako araudia aplikagarria ez betetzeagatik edota baimenen iraunaldiari eragiten dion araudi aplikagarria aldatzeagatik, kalte-ordainik edo inolako konpentsaziorik sorrarazi gabe.

13. artikulua. Baimenaren indarraldia.

Baimena urtebete egongo da indarrean, eta isilbidez beste bost (5) urtez luzatu ahal izango da gehienez, noizbehinkako merkatuetan eta kamioi-dendatan saltzekoak izan ezik. Horiei emandako baimenetan egun zehatzak jarriko baitira saltzen jardun ahal izateko.

14. artikulua. Baimenaren iraungitzea:

Salmenta ibiltarirako baimenak baliorik gabe geratuko dira:

a) Eman zeneko epea amaitutakoan.

b) Titularrak uko eginez gero



- c) Titularra zentzeagatik, edo bestela, enpresa desegiteagatik.
- d) Tokatzen zaizkion prezio publikoak ordaindu ezean.
- e) Baimena eskuratzeko eskatutako baldintza guztiak edo zenbait bete gabe utziz gero.

- f) Udalari jakinarazi edo arrazoirik eman gabe, urte bateko epean 4 astez segidan eta 10 tartekatuz, merkatura etorri ezean.

- g) Baliogabetzeagatik.
- h) Udalerrian salmenta ibiltaria leku eta epe jakinean egitetik utziz gero.

- d), e), f), g) eta h) puntuetako arrazoiengatik iraungitzeko Alkatearen edo delegatutako organoaren akordioa beharrezkoa izango da, interesdunak gehienez ere 15 egun izango dituelarik aurrez hitz egiteko.

IV TITULOA

SALTZAILE IBILTARI GISA IBILTZEN DIRENEN ESKUBIDE ETA BETEBEHARREI BURUZKOA»

15. artikulua. Eskubideak

- 1.- Errenteriako udalerrian saltzaile ibiltari gisa jarduteko baimena dutenek ondorengo eskubideak izango dituzte
- a) Baimena daukaten saltokiak okupatzeko.
 - b) Baimenean adierazitako ordutegian eta baldintzetan baketsu saltzen aritzeko Udalak baimendutako gauzak.
 - c) Baimendutako jarduera burutzeko herriko agintarien eta Udaltzaingoaren babesa erdiesteko.
 - d) Merkatua kenduz gero, udal baimenaren jabe denak lehentasuna izango du haren ordezkari merkatu berri bat abian ipiniko balitz, ahal izanez gero aurreko baimeneko baldintzak bere horretan utziko liritekeelarik
 - e) Merkatuko funtzionamenduari buruz, erreklamazioak eta iradokizunak egiteko.
 - f) Udalak identifikazio-txartela eman diezaion, Ordenantza honetan zehazten den edukiarekin.
 - g) Bera edo ezkontidea eta seme-alabak, edo jarduera horretan enplegatuta dauzkan pertsonak saltokian saltzen aritzeko, betiere titularraren kontura Gizarte Segurantzaren alta emanda badaude. Baimena eskatzeko garaian Udalari jakinarazi beharko dio atal honetan aipatzen diren pertsonen identitatea.
 - h) Bere saltokia non jarriko den jakiteko. Saltokia galipotaz edo zementuz zolaztatua egongo da.
 - i) Udalak salmenta egiteko baimena ematen den eguna ez aldatzeko, jaiegunen edo aparteko gertakariaren bat suertatzen ez bada, orduan Udalak nahiko denborarekin jakinarazi beharko duelarik.
2. Aipatu udal baimena dutenek eskubidea izango dute merkatu txiki horietan gune edo ontzi egokietara botatzeko salmentatik ateratzen diren hondakinak

16. artikulua. Betebeharrak

- a) Salmentan aritzeko saltzaileek indarrean dagoen araudiak dioena kontuan hartu beharko dute une oroz, halaber merkatuko diziplina eta kontsumitzaileen eta erabiltzaileen defentsa eta ingurumena



babestea.

b) Saltokian jendeak ikusteko moduko kartelak eta etiketak jarri beharko dizkiete gauzei. Alegia, gauzen prezioak agerian

argi eta garbi egon beharko du, beti indarrean dagoen legeriari jarraiki. Ontziratuta gabe saltzen diren gauzak edo

salmenta-prezioa kopuru edo produktuaren bolumenaren arabera erabakitzen denean, prezioa unitate bakoitzeko adieraziko da. Orobat, saltzeko artikulua guztiak begi bistan edukiko dituzte, alegia, bakar bat ere ezkutatu gabe edo bereizi gabe

c) Udaleko agintariak, behar bezala egiaztatuek, dokumentazioaren bat eskatuz gero, saltzaileak erakustera derrigorturik

egongo dira

d) Baimena dutenek, salmentarako jarritako tokia eta ingurua errespetatuko dute, inoiz ezin izango delarik jendea ibiltzeko tokietan, leku pribatu edo dendetan edo industrietan salmenta posturik jarri. Ezin izango dituzte halaber erakusleho aurretan, trafiko-seinale edo bestelako seinale aitzinetan jarri. Ezta kale batek baino gehiagok bat egiten duten lekuetan, jende-ibilbide edo etxeetara, dendetara edo ibilgailuak sartzeko erreserba duten lekuetan ere.

e) Salmenta ibiltarian ibiltzen direnek kartel baten bidez adierazi beharko diote jendeari non erantzungo zaizkion erreklamazioak eginez gero. Gainera, helbide horrek erreziboan edo frogagirian azaldu beharko du derrigor.

f) Produktuak pisura edo neurrira saltzen dituzten saltokiek araudizko pisua eta metroa eduki beharko dute.

g) Saltzeko produktu guztiak jendeak ikusteko moduan eta behar bezala babesturik egon beharko dute, lurretik gutxienez 60 cm-ko altueran, bolumena edo pisuagatik arazoren bat eragiten ez badute

h) Era berean, jateko gauzak, ahal dela, homologatutako ontzi edo edukiontzietan jarriko dira, produktu bakoitzaren ezaugarrien arabera.

i) Saltzaileak derrigorturik daude, interesatuak eskatuz gero, salmentako erreziboa ematera. Bertan gutxienez datu

pertsonalak jarri beharko dituzte, edo bestela, sozietatearen helbidea, IFZ, non erantzungo zaizkion erreklamazioak eginez gero, produktuak, prezioak eta data, zenbatekoa eta saltzailearen sinadura.

j) Ezin izango dira saltokitik kanpoko produktuak saldu, ezta jendea pasatzeko tokietan trabarik egin ere.



k) Zaborrak, ontziak, estalkiak eta salmenta-jardueratik ateratzen diren gainontzeko hondakinak, Udalak onartutakoak alegia, edukiontzietara botako dira edo Udalak jarritako bil-puntuetan utzi. Kontenedoreak ezin izango dira jarritako tokietatik mugitu.

l) Saltokiko instalakuntzek egoera onean egon beharko dute.

m) Saltokietako titularrek konpondu beharko dituzte lurrian, arboletan, argiterian, eta abarretan egin ditzaketen kalteak.

n) Erantzukizun zibileko aseguru-poliza izenpetu beharko dute, jarduera burutzen den instalakuntzetan gertaturiko kalteak estaliko dituena.

ñ) Debekaturik dago bozgorailuak ibiltzea gauzak iragartzeko.

o) Udalaren baimena duten titularrek derrigorturik daude Ordenantza honek eta gaiari buruz indarrean dagoen araudiak dioena betetzera. Alegia, udaleko agintariek edo funtzionarioek behar bezala funtzionatzeko ematen dizkieten aginduak salmenta ibiltaria baimentzen den kasuetan.

p) Indarrean dagoen araudiak ezarri edo gerora salmenta ibiltarirako ezar ditzakeen betebeharrak bete beharko dituzte udalaren baimena dutenek, hori horrela gerta dadin bidezko Administrazio Publikoei gomendatzen zaielarik zaintzeko eta betetzeko ardura.

q) Udalak uneoro eskatu ahal izango ditu ingurumeneko baldintzekin lotutako araudiak betetzea.

V. TITULUA

«ALDIZKAKO MERKATUETAN SALTZEARI BURUZKOA»

17. artikulua. Erdialdeko merkatua eta Beraun auzoko merkatua

Errenteriako udalerrian gisa honetako merkatutzat Errenteriako merkatua eta Beraun auzoko merkatua jotzen dira.

Biak astean behin egingo dira, baina ez egun berean.

Aparteko arrazoiren bat izanez gero, Alkatetzak edo honek delegatutako organoak bi Merkatuak lekuz aldatzeko, betiere salbuetsitako hirigunetik at izanez gero.

Bi merkatuak egiteko eguna Alkatetzak edo honek delegatutako organoak jarriko du.

Ezin izango da Errenteriako merkatuan eta Beraun auzokoan aldi berean saltoki baten titularra izan.



18. artikulua. Saltokiak zenbakien arabera banatzeko plano.

Udalak, aldizkako merkatuek ondo funtziona dezaten eta kontrolatzeko, eskalan egindako plano bat edukiko du eta bertan saltoki guztiek euren zenbakia edukiko dute, betiere emandako baimen eta txarteekin bat datorrena.

Plano horretan udan eta eguberrietan baimendutako denboraldiko saltzaileentzat saltokiak aurreikusiko dira.

19. artikulua. Merkatuen ordutegia

Merkatuetako ordutegia Alkatetzak edo honek delegatutako organoak ipiniko du.

20. artikulua. Ibilgailuak zirkulatzeko eta etxe-abereak edukitzeko debekua.

Salmenta garaian debekaturik dago merkatu barruan ibilgailuak ibiltzea, produktuak kargatzeko edo deskargatzeko ez bada, orduan ibilgailua gauza horiek egiteko bakarrik utzi ahal izango delarik merkatuaren barruan. Produktua saltzeko ezinbesteko denean ibilgailuak bertan egotea (ibilgailu-denda, barazkiak, fruta,... saltzeko kamioi-dendak), orduan bakarrik izango dute aparkatzea. Nolanahi ere, ibilgailu horiek aparkatu ahal izateko gai honetan eskumena duen agintariaren baimena beharko dute eta emandako lekuan aparkatu ahal izango dute.

Era berean, debekaturik dago saltokiko jabeek eta merkatura etortzen den jendeak etxe-abereak ibiltzea merkatuaren barruan. Betiere, saltzeko etxe-abereak dituztenak salbuetsiz

21. artikulua. Aldez aurreko entzute-garaia eta lehiaketaren iragarki publikoa.

Errenteriako merkatu txikiko eta Beraun auzoko saltokien esleipena, Errenteriako udalak, iragarri ostean, libreki egingo

du, hain zuzen ere Udaleko ediktu oholean eta Gipuzkoako Lurralde Historikoko tirada handiena duen egunkarian.

Bi merkatuetako postuen adjudikazio iragarkiaren aurretik, Udalak Alkatetza edo eskuordetzen duen organoaren ebazpenaren bidez, erabakiko du postu kopurua eta komertzializatuko diren produktu sortak, baita artikulua sorta bakoitzeko adjudikatuko diren postu edo portzentaje kopurua.

22. artikulua. Erdialdeko merkatu txikiko saltokiak esleitzeko modua

a) Lehenik adjudikatuko direnak izango dira:

— Salmenta postuen %5 bertako produktuak saltzen dituzten saltzaileentzat gordeko dira.

— Saltokietatik %10, herrian denda duten merkatarientzat, alegia, azkeneko urtean gutxienez sei hilez jendeari irekitako

— Saltokietatik %2, Gobernu Kanpoko Erakundeentzat, Errenterian egoitza dutenek lehentasuna izango dutelarik. Interesa duten erakundeek xedeari buruzko proiektua edo memoria bat aurkeztu beharko dute, eta lehentasuna izango dute produktu ekologikoak saldu eta «bidezko merkataritza» egiten dutenek. Proiektuak Gizarte Zerbitzu Saileko edota Ingurumeneko teknikari eskudundunak baloratuko dituzte.



Eskariak eskainitako postuak baino handiagoa izango balira zozketa egingo da aurkezturiko eskaeren artean

b) Gainerako postuak, artikuluko honetako a) atalean adjudikatu gabe geratu direnekin batera, lehiaketa bitartez egingo da, Tokiko Gobernu Batzordeak horretarako onartzen duen Baldintza-agirian ezarritako balorazio irizpideen arabera.

Salmentarako onartutako artikuluko sailen arabera, zerrenda berezituak osatuko dira. Hori horrela, hautaketa prozesuan hautatuak izan arren, adjudikazioan saltokirik lortzen ez dutenak itxaron zerrendan geratuko dira, gerta litezkeen bajak betetzeko.

Artikuluko a) atalean aipatutako zozketa eta b) atalean aipatutako lehiaketa publikoak izango dira. Zozketa Udaltzaren Idazkariaren nahiz berak delegatutako funtzionarioaren aurrean egingo da, ekintzaren fede emateko akta egingo duena.

23. artikulua. Beraun auzoko merkatu saltokiak esleitzeko modua

a) Lehenik udalak adjudikatuko ditu.

— Saltokien %5, bertako produktuak saltzeko

— Saltokien %10 herrian denda duten merkatarientzat, alegia, azkeneko urtean gutxienez sei hilez jendeari irekitako

denda izan dutenentzat

— Saltokien %2, Gobernu Kanpoko Erakundeentzat, Errenterian egoitza dutenek lehentasuna izango dutelarik.

Interesa duten erakundeek xedeari buruzko proiektua edo memoria bat aurkeztu beharko dute, eta lehentasuna izango

dute «bidezko merkataritza» egiten dutenek. Proiektuak, Gizarte Zerbitzu Saileko edo Ingurumeneko teknikari eskudundunak baloratuko dituzte.

Eskariak, eskainitako postuak baino handiagoa izango balira, zozketa egingo da aurkezturiko eskaeren artean

b) Gainerako postuen adjudikazioa, artikuluko honetako a) atalean adjudikatu gabe geratu direnekin batera, lehiaketa bitartez egingo da, Tokiko Gobernu Batzordeak horretarako onartzen duen Baldintza-agirian ezarritako balorazio irizpideen arabera.

Salmentarako onartutako artikuluko sailen arabera, zerrenda berezituak osatuko dira. Hori horrela, hautaketa prozesuan hautatuak izan arren, adjudikazioan saltokirik lortzen ez dutenak itxaron zerrendan geratuko dira, gerta litezkeen bajak betetzeko.

Artikuluko a) atalean aipatutako zozketa eta b) atalean aipatutako lehiaketa publikoak izango dira. Zozketa Udaltzaren Idazkariaren nahiz berak delegatutako funtzionarioaren aurrean egingo da, ekintzaren fede emateko akta egingo duena.

24. artikulua. Merkatuen kudeaketa.

Merkatuen iraunaldiaren zehar bajaren bat izanez gero, baja hori beteko da dagozkion itxaron zerrendak errespetatuz..

Edonola ere, lizentzia berri horrek, bajaren ordezkari emandakoak, alegia, merkaturian baja izan zenak



zuen lizentziaren amaiera egun bera izango du.

VI. TITULUA

«TARIFAK»

24. artikulua. Tarifak.

Ordaindu beharreko tarifak eta ordainketarako aldizkakotasuna dagokion Ordenantza Fiskalean xedatuko dira.

VII. TITULUA

«IKUSKARITZA, ARAU HAUSTEAK ETA ZIGORRAK»

I. KAPITULUA. SALMENTA IBILTARIEN ZAINZA ETA IKUSKARITZA

26. artikulua.

1. Udala arduratuko da zaintza- lanez eta Ordenantza honetan ezarritako obligazioak betearazteaz, baita salmenta

ibiltariari buruz une bakoitzean indarrean dauden arau higieniko, sanitario eta segurtasunari buruzkoak bete arazteaz ere, betiere beste Administrazio Publikoek dauzkaten eskumenak kaltetu gabe.

2. Udalak zainketa-eginkizunetan ikuskatu ahal izango ditu saltzeko gauzak, jarduerak eta instalakuntzak, baita gauzei buruz saltzaileei eskatu, ondo deritzon hainbat informazio ere.

3. Saltzeko jarritako gauzak kontsumitzaileen osasunarentzat kaltegarriak edo segurtasunarentzat iruzurra suposa dezakeenean, alegia, kalitateari dagokionean, faltsifikatuak badira, identifikatu gabeak edo saltzeko gutxiengo baldintzak ez badituzte betetzen, espedientea hasteko agindua ematen duen agintariak badaezpada esku hartu egin ahal izango du, araudi honetan xedatutakoari jarraiki.

II. KAPITULUA. ARAU HAUSTEEI BURUZKOA

27. artikulua.

Eusko Jaurlaritzako organoei zigorra jartzeko eskumena eragotzi gabe, Merkataritza Jarduerarako 7/1994 Legea,

maiatzaren 27koa, Ordenantza honetan xedatutako arau-hausteak Udalak zigortuko ditu.

28. artikulua.

Erantzukizun erregimena eta Ordenantza honetan aurreikusitako arau-hausteen zigorrak ezartzeko prozedura 2/1998 Legeari, otsailaren 20koa, dagokio Euskal Autonomia Erkidegoko Administrazio Publikoen zigortzeko boterea eta Herri Administrazioen Araubide Juridikoaren eta Administrazio Prozedura Erkidearen 30/1992 Legearen, azaroaren 26koa, 127 artikulua eta hurrengoak.

28. artikulua. Arau-hausteten sailkapena.

Arau-hausteak: Arinak, larriak eta oso larriak izan litezke.

1. Arau-hauste arintzat joko da, Ordenantza honetako xedapenak kontuan ez hartzea, nahiz eta horregatik kontsumitzaileekiko eragin ekonomiko zuzenik ez izan, eta larri edo oso larri gisa ez baldin badira sailkatu.



2. Arau-hauste larritzat joko dira:

a) Ekonomia izaerako eragin zuzena dutenak edo kontsumitzaileei kaltea eragiten dietenak.

c) Osasunari buruzko arau-hauste larriak.

c) Udalaren baimenik gabe eginiko salmentak.

e) Datuak emateari uko edo gogor egitea edo ordenantza honetan zainketa eginkizunak dituzten agintari edo agenteek

eskaturiko informazioa ez ematea, baita informazio okerra, hala-holakoa edo gezurra esatea ere. Era berean, jokabide

hori ohikoa bihurtu baldin bada, edo agintariei edo hauen agenteei bortxa, mehatxuak edo bestelako edozein motatako presioa egitea.

3. Arau-hauste oso larritzat joko dira:

a) Osasunari buruzko arau-hauste oso larriak egitea edo pertsonen segurtasunerako arrisku larriak suposatzen dutenak.

b) Kontsumitzaileei kalte larriak eragiten dizkietenak

c) Lekuz kanpoko irabaziak erdietsi nahi dituztenen arau-hausteak.

III. KAPITULUA. ZIGORREI BURUZKOA

30. artikulua.

Kontsumitzaile eta erabiltzaileen defentsarako araudi orokorrean aurreikusitakoaren aplikapena eragotzi gabe, arau-hausteak, Merkataritza Jarduerako 7/1994 Legean, maiatzaren 27koa, eta/edo geroago ordezkari dezaketenek xedatutakoaren arabera zigortuko dira, Udalari dagokiolarik zigortzea arau-hauste arinak eta larriak, ondorengo puntuetan adierazten den eran:

a) Arau-hauste arinak 25.000 € arteko isunekin zigortuko dira.

b) Arau-hauste larriak honela zigortuko dira 150.000 € arteko isunarekin zigortuko dira.

c) Arau-hauste oso larriak Eusko Jaurlaritzako organo eskumendunek zigortuko dituzte, 900.000 € arteko isunekin.

Artikulu honetan aipatzen diren kopuruak berraztertuak eta hiru urtero eguneratuak izan daitezke Gobernu Batzordearen dekretuz, betiere kontsumorako prezioen indizearen bilakaeraren arabera, eta,



beraz, automatikoki eguneratzen dira, behin hedabideetan argitalpena gertatuta.

31. Kautelazko parte-hartzea

Udaltzaingoak kautelazko eran konfiskatu ahal izango du faltsifikatutako merkantziak, iruzurrezkoak, identifikatu gabeak edo komertzializatzeko gutxieneko baldintzak betetzen ez dituztenak, baita Ordenantza honetako arau-hausteak egiteko erabilitako tresnak eta baliabideak.

Udaltzain jarduleek izandako gorabeheren akta jasoko dute dagokion zehapen espedientea tramitatzeko.

32. artikulua. Zigor gehigarriak: merkantziak konfiskatzea.

Zigor-espedientea hastea dagokion agintaritzak badaezpadako erabakia hartu ahal izango du: Merkantziak faltsifikatzen

direnean, iruzurra egiten denean, identifikatu gabe edo saltzeko gutxiengo baldintza betetzen ez dituzten haien aurka, baita Ordenantza honetako arau-hausteak egiteko erabilitako tresnak eta baliabideak. Zigor gehigarri hau bat etorriko da zigor nagusiaren arauekin.

Merkantzia horiek suntsitu egin beharko dira baldin eta kontsumitzea arriskutsua balitz osasun publikorako. Hala eta guztiz ere, erakunde zigortzaileak erabaki beharko du zein den konfiskatutako merkantzien azken erabilera.

Konfiskazio, biltegi, dekomisu garraio eta suntsitzean sorrarazitako gastuak arau-haustearen kontura izango dira.

33. artikulua .Zigorren sailkapena.

Ezar daitezkeen zigoren mailaketarako kontuan izango da betiere arau-haustearen gizarte-eragina, egilearen espekulaziozko jokabidea, arau-haustea ekarri duen eragiketaren kostua guztira, harekin lortutako irabazia, saldutako zerbitzu edo produktuen izaera, araua hautsi duen merkataritzan duen lekua, sortutako kalteak eta araua hautsi duenaren asmoa edo behin eta berriz egitea.

34. artikulua. Prozedura

Ordenantza honetan aurreikusitako arau-hausteak direla eta, Eusko Jaurlaritzak arauz ezarritako prozeduraz tramitatuko dira irekitzen eta ebazten diren zehapen espedienteak, eta, hori izan ezean, aplikatzeko ordezko diren arauen bidez.

35. artikulua. Preskripzioa

1.- Ordenantza honetan xedatutako arau-hausteak eta zigorrak indarrik gabe geratuko dira: Arinak badira, urte baten buruan. Larriak, bi urteren buruan. Eta oso larriak, hiru urteren buruan

2.- Arau-hausteen preskripzio epea kontatzen hasiko da arau-haustea egin den egunean bertan.

Zehapen prozeduraren preskripzioa, hasiera ematea, etengo da interesatuak jakinda, eta preskripzio epea berriro hasiko da, baldin eta zehapen espedientea hile bat baino gehiagoz geraturik balego, ustezko arduradunari egotzi dakioken arrazoiren bat dela eta.

3.- Zigorren preskripzio epea kontatzen hasiko da zigor ebazpena ezartzea irmoa den egunaren biharamunetik.

Betearazteko prozeduraren zehapen prozeduraren preskripzioa, hasiera ematea, etengo da interesatuak jakinda, eta preskripzio epea berriro hasiko da, baldin eta hura hile bat baino gehiagoz geraturik balego, ustezko arduradunari egotzi dakioken arrazoiren bat dela eta.

XEDAPEN IRAGANKORRA

Erdialdeko eta Beraun merkatuetako aldizkako salmenta ibiltarirako gaur egungo baimenak indarrik



gabe geratuko dira Ordenantza hau indarrean jarri eta handik hiru urteetera, kalte ordainerako edo bestelako ordainerako eskubiderik gabe, 2002ko salmenta ibiltarirako udal Ordenantzaren 11. artikulua araberara.

Udalak, behin ordenantza hau indarrean jarrita, oraingo adjudikatzailerik jakinaraziko die baimenak zein egunetan geratuko diren baliorik gabe.

XEDAPEN INDARGABETZAILEA

Salmenta ibiltariaren ordenantza baliogabetua geratzen da, 2002ko otsailaren 22an Udalbatzak Osoko Bilkuran onartu zuena eta Gipuzkoako Aldizkari Ofizialean (70 zk.) argitaratu zena, 2002ko apirilaren 17an.

AZKEN XEDAPENA

Apirilaren 2ko 7/1996 Legearen 70.2 artikulua araberara, Ordenantza hau behin betiko onartu ondoren eta testua osorik Gipuzkoako Aldizkari Ofizialean argitaratuta, indarrean sartuko da 15 laneguneko epea igarota.

Errenterian, 2011ko apirilaren 28an

TRAFIKO ETA GARRAIO DELEGATUA